

Segun profesor Lodewijk Rogier:

Tin ku stòp trata hende no-dokumentá komo kriminal

WILLEMSTAD.- 'Kòrsou tin ku kambia e manera kon e ta trata estranhero i refugiado. E manera ku ta usa awor no ta korekto.

Polis ta trata e hendenan manera nan ta kriminal.

Tambe polis den kontakto ku estranhero i refugiado semper ta hasi

uso di investigashon penal. Pero na promé instansia polis tin ku ehekutá su tarea supervisor i di dunamentu di asistensia.'

Asina mr. Lodewijk Rogier, profesur di Derecho di estado i Derecho atministrativo (Staats-en Bestuursrecht) na Universidat di Kòrsou ta bisa den un entrevista ku Dick Drayer.

Segun Rogier Kòrsou tin un problema ku su akstitut den kadena di estranhero. 'Esaki tin ku kambia. Funshonarionan ku tin un tarea di supervishon òf un tarea penal tin ku

realisá nan mes ku hende no dokumentá no ta hende kriminal. Aktividad di mantenshon na promé instansia ta kai bou derecho atministrativo i no bou di derecho penal.'

Rogier resientemente a duna un charla huntu ku mr. Myra Biegelaar pa e asosiasion di hurista, Antilliaanse Juristenvereniging. Rogier i Biegelaar resientemente a publiká e buki 'Het vreemdelingenrecht van Curaçao'.

Segun e dos hurista Kòrsou tin un problema ku ehekushon di

regulashon. Hopi bia disposishon i desishon no ta pone pa eskrito. Komo konsekuensia hende enbolbí no por ta na altura di e reglanan. Segun nan esaki ta un problema fundamental.

Banda di esei Rogier ta splika ku Kòrsou ta obligá pa duna asistensia legal na estranhero ku ta keda sera den barak na prizòn.

'Esaki no ta tuma lugá. I esaki ta un violashon di e Tratado oropeo pa derechi di hende i tambe ta violá e libertat fundamental ku tur hende tin', segun Rogier.



Resientemente profesur Lodewijk Rogier i Myra Biegelaar a entrega nan buki 'Het vreemdelingerecht van Curaçao' na gobernador Lucille George-Wout

Vehíkulo ta bòltu den bògt skèrpi riba kaminda muhá

WILLEMSTAD.- Djasabra anochi, shofùr di un vehíkulo moviendo riba Kaminda Saliña, nèt na altura di Landhuis Hel, a hañ'é envolví den un aksidente kaminda ku el a resultá di bòltu ku su vehíkulo.

Segun por a komprondé, tabata nèt den e bògt ku pa motibunanan deskonosí, e shofùr a perdé kontrol i bòltu

ku su vehíkulo den e bògt skèrpi i nèt na momentu ku áwaseru tabata kai.

No tabatin persona ku a resultá heridá, pero si hopi daño a keda registrá.

Forensys a atendé ku e parti di registrashon pa demas investigashon i despues ku yudansa di kran a bòltu e vehíkulo bèk i bai kuné for di e sitio.



KOOYMAN

MILWAUKEE

MADNESS



OFERTA DI SIMAN:

25%
DESKUENTO

RIBA TUR BATERIA!

Kuminsando for di

82.49

òf 3300 Fun Miles



 **Kooyman Megastore Zeelandia & Jan Noorduyweg**
Habri non-stop di 7am - 7pm i djadumingu di 9am - 2pm

 **Kooyman Santa Rosa**
Habri non-stop di 8am - 6pm i djadumingu di 9am - 1pm

 WWW.KOOYMANBV.COM

 [KOOYMAN.CURACAO](https://www.facebook.com/KOOYMAN.CURACAO)

